



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Variis Generibvs, Cavsis, Atqve Exitv Perseqvvtionvm,
Qvas pij hoc in mundo peregrinantes patiuntur**

Lens, Jean de

Lovanii, 1578

Haereticae persequutionis quae sit occasio & origo. Cap. 28.

urn:nbn:de:hbz:466:1-30324

DE VARIIS PIORVM

tutionem, de qua dictum est. Nouit Dominus qui sunt eius. Nec falso potest dixisse ego vobis sum usque ad consummationem seculi, nec frustra pastores & doctores in ecclesia posuisse, sed planè ad consummationem sanctorum, in aedificationem corporis Christi, donec occurramus omnes in unitatem fidei, & agnitionem filij Dei, in virū perfectum, ut iam non simus parvuli fluctuantes & circumferamus omni vento doctrinæ, in nequitia hominum, in astutia ad circumventionem erroris. Sed sicuti alligatio diaboli est, nō eum permitti exercere totam tentationem, quam vel vivel dolo posset cogendo fallendō exerere, Ita eius solutio est, cùm diuinitus sinitur totis suis suorumque viribus scuire & fallere. Quo modo in huius seculi fine soluēdus est, vt quā fortē aduersarium Dei ciuitas superaeat, cum ingenti gloria sui redemptoris, adiutoris, liberatoris, aspiciat. Neq; enim vel solutus hostis, expugnabit eam, que diuinis semper erit defensa præsidij: neq; tum defuturi sunt fortissimi quidam milites, qui omnes eius insidias atque impetus, & caueant prudentissimè, & patientissimè sustineant. Ad hunc verò finem multū iam prof. cō accessimus: magnas inimicorum vires, omnibus ecclesiæ locis, experitur, & prauī ingenij ad fallendum, & crudelis atque inhumani ad scuēdum. Ligatus quidem ille mundi princeps & multis nunc est, quos nouit Dominus, & semper fuit, eritque semper: sed innumerous alios omni tempore fecit suos, atque ab Ecclesiæ matris auulsoz yberibus, ad eandem impiè persequendam, & quoad fieri posset, opprimendam, diuersis sāpē temporibus incitauit.

Hæreticæ persequotionis quæ sit occasio & origo.

CAPVT XVIII.

*Epist. Iude
Apostoli.*

Querat aliquis tam frequentis in Ecclesia persequotionis, quænam esse possit occasio, quidue homines Christianos ad tam pertinax studiū nouandæ religionis impellat? Visus est haec Iudas Taddæus, in epistola posuisse cùm diceret: Veh illis qui in via Cain abierunt, & qui Balaam mercede effusi sunt, & qui in via Core perierūt: Quibus sanè verbis primum notatur inuidia, cuius stimulis ac facibus Cain est in paricidium incitatus. Deinde auaritia, cuius cupiditas prophetæ Balaam obturauit oculos & cœcauit. Postremo superbia, quæ aduersus Moysen & Aaron Leuitas

Lenitas quondam erexit. Ac de auaritia quidem apertè dixit Paulus. Radix omnium malorum cupiditas, quam quidā appetentes errauerunt à fide, & inferuerunt se doloiibus multis. Atque idem scribit de quibusdam, docere illos quæ *Titum 1.*
 non oportet, eaque ratione domos vniuersas subuertere turpis lucri gratia. Beatus quoque apostolorum princeps Pet. 2.
 trus fore prædictis magistros mendaces, qui in auaritia fictis verbis de suis negotientur auditoribus. Quid enim tam sanctum quod non violari? quid tam munatum quod non oppugnari? quid tam purum quod non foedari pecunia possit?
 Et quid, vt ille ait, non mortalia peccata cogis, cui i sacra faines? Notantur & alij, qui sibi placentes, sc̄etas non metuunt introducere: per quos pericula temporum existere, Vergil. lib. 3
 perseguitionumque cieri tempestates, Apostolus insinuat cūm dicit: In nouissimis diebus instabunt tempora periculosa. Tanquam enim interrogatus vnde hæc ori i pericula possint; continuò subiunxit: Et erunt homines seipso amātes, cupidi, elati, superbi. Hinc igitur corruptus animus, cūm se se proprijs oblectat inuentis, aliena contemnit, nouaque veteribus, & priuata publicis anteponit: Hinc matrem ecclesiam derident iuniores tempore, & à qua, si quid veri sciunt, sapere didicerunt, eandem linguis petulantibus inse-
 stantur: Hinc ardescit in disputatione verborum contentio, quæ utilis non est, nisi ad subversionem audientium. Ex hoc fonte prophane scaturiunt vocum nouitates, & oppositio-
 nes falsi nominis scientiæ, quam quidam, ait Apostolus, pro-
 mittentes, circa fidem exciderunt. Sic altare cōtra altare eri-
 gitur: sic auita religio, sic sana Christi doctrina calcatur. Qui enim non acquiescit sanis sermonibus, ait Apostolus, Do-
 mini nostri Iesu Christi, & ei quæ secundum pietatem est doctrinæ, superbus est, nihil sciens, sed languens circa quæ-
 stiones, & pugnas verborum, ex quibus oriuntur inuidiæ, contentiones, blasphemiae, suspicione malæ, conflictationes hominum mente corruptorum, & qui veritate priuati sunt, existimantiū quæstum esse pietatē: hac superba animositate Christi vestis laceratur, vnu eius corpus varias in partes di-
 strahitur, blandisq; persuasionibus dividūtur corpora & no-
 mina pietatis: cōtra autoritatē promittitur ratio: cōtra vni-
 ueritatis cōfessionē, obicitur cælestis inspiratio, cōtra fidē dimicat intellect⁹. Vna hęc superbia est, quā iure omniū ha-
 H ij retico-
Ibidem.

DE VARIIS PIORVM

Aug. contra epistolam Fundamenti. ca. 6. ticorum matrem esse censuit Augustinus. Quid verò superbiæ proles inuidia? num ita parenti possit esse dissimile ut pietatem quietam esse patiatur? Imò verò hæc infestissime persecuitur. Hinc enim, ait Cyprianus, vinculum pacis rum-
Serm. de zelo & liuore. pitur, hinc charitas fraterna violatur, hinc adulteratur veritas, ynitias scinditur, ad hæreses atq; schismata prosiliuntur. Dū obtrectatur sacerdotibus, dum episcopis inuidetur, dum quis aut queritur non se potius ordinatum, aut designatur alterū ferre præpositum, hinc recalcitrat, hinc rebellat de zelo superbus, de æmulatione peruersus, animositate & liuore non hominis, sed honoris inimicus. Hoc malum, ait Chrysostomus, ecclesiæ subuertit, hæreses peperit, fraternalm manum armauit, & fecit vt dextera pio tingeretur cruore. Hoc stimulatus vitio, simulque propter fugæ memorem iracundiam templum aliud in Aegypto quondam Onias extruxit, cùm Hierosolymis locus esset in quo solo offerri sacrificia, iuxta Dei legē oporteret: Inuidēs enim præclaris veri ac legitimi templi successibus, omnem ab Hierosolymis nuditudinem hoc pacto reuocare se posse sperauit: præfertim cùm nec diuinæ scripturæ deesset patrocinium, prædicente Esaiâ fore, vt in Aegypto domino templum extrueretur. Iam ingluies cultusque ventris ac morum perniciosa licentia, si nihil ad turbas in ecclesia generandas valeret, non adeò sollicitè monuisset Apostolus his verbis: Rogo vos fratres vt obseruetis eos qui dissensiones & offendicula, propter doctrinam quam vos didicistis faciunt, & declinate ab illis, huiusmodi enim Christo domino non seruunt, sed suo ventri. Et alio in loco, Imitatores mei estote fratres, & obseruate eos qui ita ambulat, sicut habetis formam nostram. Multi enim ambulant quos sæpè dicebam vobis, nunc autem & flens dico, inimicos crucis Christi, quorum finis interitus, quorum Deus venter est, & gloria in confusione ipsorum qui terrena sapiunt. Christi igitur inimicos ventris amor efficit, nec possunt esse nisi Ecclesiæ hostes & perturbatores malæque bestiæ, qui Christi vocenter inimici. Quomodo enim non perturbent, qui sunt tanquam nebulæ turbinibus exagitatiæ dæmonum atque vitiorum? facile verò subuertunt quamplurimos. Superba enim vanitatis loquentes, pelliciūt in desiderijs carnis luxuriæ eos qui paululum effugiant, libertatem ijs promittentes, cùm ipsis serui sint corruptionis.

Facile

Homil. de liuore.

Iosephus lib. 7. belli Iudaici, ca. 30.

Rom. 16.

Titum I.

2. Pet. 2.

Facile in errorem inducunt sidera errantia , cum falsa lucis
specie , infirmos ac lippientes vitijs terrenis oculos perstrin-
ixerint. Denique, ait de quibusdam Apostolus, quòd repellē- ¹ *Timoth. I.*
tes bonam conscientiam , circa fidem naufragium fecerunt.
Fides enim quæ sine operibus mortua est , Deo iustissimè
deserente , cùò frequenter amittitur , facileque cætera bona
sine charitate possunt perire, quæ non possunt sine charitate
prodesse : cùm dignus sit perdere inutilem fidem , qui non *Prosp. lib.*
exercuerit charitatem : atque vt in fide est operum ratio , ita ² *de voca-*
vicissim in operibus (quemadmodum præclarè Leo inquit) *tione gentiū*
est fidei fortitudo . Quòd si ad fidei firmitatem vitæ valet *cap. 8. & 11.*
integritas, profectò ad illam infirmandam extinguendamq; *Leo serm. 5.*
non mediocriter vitia conferunt. Vt enim est luminescentia cha- *de collectis*
ritas, ita est ediuersò tenebricosa cupiditas, vnde ille qui pro- *& eleemosi-*
ximum oderit , ambulare dicitur in tenebris & nescire quòd *fina.*
eat , quia tenebræ obcæauerunt oculos eius . Inde ergo
schismatiorum nascitur secessio, qui vt demonstrent nescire
se quòd eant, ab Ecclesiæ matris gremio , hoc est, à salute sua
separantur. Quin & hinc magis pergunt in tenebras, dumq;
schisma nituntur tāquam ratione defendere, hæresim pariūt:
disruptaque pace & violata charitate , ipsam quoque fidem
celeriter abiiciunt . Quid autem & superbìa validius ad ob-
cæandum ? vt enim tumor in capite carnis , oculos claudit:
ita superbìa, quæ tumor animi est, oculos mentis, contra ve-
ritatis lucem obfirmat . Hoc ita esse, gentilium philosophorum
exemplo Paulus ostendit: qui dicentes se, inquit, esse sa-
pientes, id est, hoc ipsum quod sapere videbantur, superbè
sibi tribuentes, stulti facti sunt , & obscuratum est insipiens
cor eorum. Præsumptionem sanè, hoc est, præceptorem pes-
simum, gignit superbìa : dumque videre superbus se pulchrè
putat, doctrinæ ministerium non admittit. Quid iam volu-
ptatis amor ? quòd non sublimitatem puræ antea mentis in-
flectit ? An ignoramus Salomonem amore mulierum , ad
idolatrię dedecus defluxisse? aut hinc nasci idolatria po-
terit, falsè doctrinæ sub nomine Christiano pernicies, seu hæ-
resis non poterit ? Est ad hæc quoque non parùm vehemens
gloriæ cupiditas, quæ vt multos ne crederēt, impediuit: (quo-
modo enim, ait Salvator , vos potestis credere, qui gloriā ab *Ioan. 5. §*
iniucem accipitis?) ita permultos ad nouandam religionem,
perseguendamq; veritatem, incitauit. Quod enim veritati, ne

H iii suscipia-

DE VARIIS PIORVM

suscipiatur cordis ianuam claudit , hoc ipsum ad noxios er-
rores proferendos portas aperit latissimas. Itaque hæreticū
Ca. 1. de vti- non dubitauit Aug. eum esse dicere , qui alicuius temporarij
litate cre- commodi , & maximè gloriæ , principatusue gratia , falsas
dendi. ac nouas opiniones vel gignit , velsequitur . D. quoq; Chry-
In cap. 5. ad softomus hæres. on matrem affirmat esse principatus cupi-
Galat. ad il- ditatem & ambitionem , eamque Galathis sui erroris cau-
lud: Per cta san docet extitisse . Idemque asserit in epistola ad Ephesios
ritatē spiri- scribens , nihil esse , quod sic ecclesiam diuellere queat , atque
tus seruite ambitionē dominandi . D. Basilius quosdam abripi dicit in
inuicem. contrarias fidei sententias , propter simplicitatem , & vulga-
In cap. 4. ad rem loquutionem . Alios nec paucos , quod suam multis cu-
Ephesios. piant ostentare scientiam , per auditatem accumulandæ pe-
In cap. 5. cuniæ , perque inanem gloriam . Eamque ob rem referta esse
Esiae. cuncta pugnantibus inter se sententijs , & ijs qui dogmata
tradtant , reclamantia suis met authoribus : quando singuli
quique obstinatius insistant , suo dogmati tuendo .

Varijs hæreticorum exemplis , doctrina superioris capit is
illustratur . C A P V T X X I X .

Lib 10. hist. **E**T Arrium quidem presbyterum Alexandrinum , sci-
eccles cap. 1. **E**bit Ruffinus virum suisse specie magis & forma , quā
& Tripart. virtute religiosum , gloriæ verò & notitatis improbè
lib. 1. cap. 12. cupidum . Quem proprij sensus amor eosque possederat ,
et lib. 7. c. 2. vt neminem tota ex vetustate censeret dignum , qui secum
Theod. lib. conferretur . Talis igitur cùm esset , atque idem in cœtu , &
§. cap. 2. ordine presbyterorum , autoritatem haberet diuinæ scri-
pturas interpretādi indignissimè tulit in episcopatu sibi Ale-
xandrum anteponi , inuidi eque stimulis agitatus , cœpit dis-
cordiæ & pugnarum occasionses quererere : eosque sanè , vt
apostolicæ Alexandri doctrinæ , plam etiam refragari non
vereretur . Atque ex hac velut scintilla quoniam statim op-
pressa non fuit tantum in Ecclesia Dei exortum incendium
est , vt pro ea quæ tunc erat eius amplitudine , vix maius esse
potuisse videatur . Et quia per huius Arrij factionem , mis-
randuni in modum Ecclesiæ vbique membra diuulsa & vis-
cera dissipata sunt , iusta fuit etiam hic animaduersione per-
In lib. cōtra cussus : vt cùm alii purgandi gratia secessisset , vniuersa illi ,
Valentinianos cum ipsis incrementis , intestina defluxerint . De Valen-
tianis no , sic Tertullianus scriptū reliquit : Sperauerat , inquit , epi-
scopatum